

МЕСЯЦА АПРЕЛЯ В 22-Й ДЕНЬ

СВЯТЫЯ БЛАЖЕННАЯ ЕКАТЕРИНЫ ПЮХТИЦКΙΑ,

Христá ради юродивыя

НА ВЕЛИЦЕЙ ВЕЧЕРНИ

Блажен муж: 1-й антифóн.

На Гóсподи воззвах: стихíры прáздника 3 и святыя 5

Аще кроме прáздника, стихíры святыя на 8, глас 2:

Подóбен: Егда от Дрэва:

**Небéсному Женихú на землi ревнóючи, / блаженна
Екатерино богомúдрая, / в чертóзех Егó ныне веселишися
свётло, / обiтели Пюхтицкiя украшение и всея землi
Эстóнскiя похвалó, / священнои же рáцей мощей твоих / и
благодáтию с нáми пребывáеши, / любóвию
прáзднующими святúю пáмять твою / тэмже зовём:
испросi нáм у Христá Бóга // мiр и вéлию мiлость.**

**Житиé возлюбiвши безмóлвное, / в скiт пустынный
Гефсимáнский преселилася еси, / идеже усérдно подвизáв-
шись, / яко безплóтная во плóти пожила еси, / вётхаго
человéка совлéкшись, во Христá облеклáся еси, /
Екатерино, досточúдная; // Егóже моли во éже просветiти
дúши нáша.**

**Завéтом богомúдрыя стáрицы Елены внимáючи, /
любвé ради ко Христú многiя пóдвиги подъяла еси: /
бдéние и тéла изнурéние, / молiтву непрестáнную, и пощé-
ние изрýдное; / сегó ради iнокинь настáвница / и недúгов**

целительница явилася еси; / и по преставлении твоём
подаёши врачество безмездное, / притекающим с верою к
раце мощей твоих, // Екатерино достохвальная.

Ины стихиры, глас 8:

Подобен: О, преславнаго чудесе:

Блаженная Екатерино досточудная, / по имени твоему
и житие твое: / сердцем бо всегда чистою быти возжелев-
ши, / Единому Царю всех, Христу послужила еси, / ныне же
Престолу Божию с лики праведных предстоиши, / с ними
же, непрестанно молися // во еже спастися душам нашим.

Богоугодным житием укрепляющися, / страсти
плотския от души отгнала еси, / и разум житейский в
юродстве отвергши, / вся прилоги вражия победила еси, /
Екатерино богоблаженная; / сего ради и Христос ты прият
яко жертву благоуханную, / видяй твоя благия труды,
чудесы многими ты обогати, / Егже непрестанно моли // о
всех, любовьию почитающих память твою.

Блаженная матери, / основание положивши добродетели, /
Христа единого, над всеми сущаго Бога, / всем сердцем
возлюбила еси, / и Тому невозвратным желанием последо-
вавши, / к божественней жизни преставилася еси; / темже
молим тя, Екатерино всеблаженная, // сподоби и ны
Царства Небеснаго наследники быти.

**Все желáние твоё духо́вное / от юности ко Гóсподу
вознесла́ еси́, / тésным путём на земли́ шéствовавши, / в
широту́ пути́ вéчнаго достíгла еси́, / в Небéсное жили́ще
вселéние себе́ уготóвавши, / Екате́рино богому́драя. / Сего́
ра́ди я́ко причáстницу невечéрняя благода́ти, // досто́йно
тя всí ублажа́ем.**

Слава, глас 6:

**Дне́сь благоче́стно восхва́лим / псалмы́ и пéснями
духо́вными / свято́е и честно́е преставлéние блаже́нных,
глаго́люще: / ра́дуйся, ма́ти Екате́рино, / по́стников
украше́ние, исто́чнице чудес, / к Бо́гу моли́твеннице
непосты́дная, / в беда́х и напáстех нам вели́кое утешéние, /
и тёплая предста́тельница о всех на́с; / со дерзнове́нием у́бо
ны́не предстоя́щи Христу́ Воскрéсшему, / моли́ Его́ о и́же
ве́рою и любóвию, // почита́ющих святу́ю па́мять твою́.**

И ны́не, прáздника, или́ Богоро́дичен:

Кто́ Тебе́ не ублажи́т:

Вход. Прокíмен дне́.

И чтéния три преподо́бническа́я.

На литий стихи́ры, глас 4:

**Прииди́те, ве́рных мно́жества, / просла́вим Екате́рину
блаже́нную, / на небеси́ бо водворíвшися с ли́ки анге́ль-
скими, / со проро́ки и апо́столы ликовству́ет, / со святы́ми
му́ченики весели́тся, / с преподо́бными и пра́ведными**

прославляется, / честныя же мѡщи ея, источают исцелѣ-
ния / всем с вѣрою притекающим, / тѣмже к ней возопийм:
мѡти всеблаженная, / буди теплая предстательнице у
Престола Бѡжия, // о чтущих любовь твою.

Инокинь множество и вси вѣрнии, сошедшеся ныне / в
праздник святыя памяти блаженныя / прославим пѣснями
и пѣньми духовными / благомощное предстательство и
преславныя подвиги ея: / не дала бо есть сна очима
своима, / душу и тело от страстей свободивши, / себе угото-
вала есть в Небесное жилище // идеже присно со Христом
пребываеши.

Слава, глас 5:

На земли для Неба поживши, / от земных к Небесным
обителем, представилася еси, / святая мѡти Екатерино, / и
святыя части тамо сподобилася еси, / с нимиже молися
непрестанно // спастися душам нашим.

И ныне, праздника, или Богородичен, глас тойже:

Свеще неугасимая, / Престоле Господень, / Пречистая,
Владычице, // моли спастися душам нашим.

На стиховне стихиры, глас 6:

Подобен: Триневен:

Богомудрая Екатерино Пюхтицкая, / претерпела еси
за Христа зной и мраз, / ночных бдений изнурение, / и
алкала еси и от жажды палима была еси, / обаче иго

Христово благое добре понеси, / велиих дарований от
Господа сподобилася еси, // Егже моли просветити и
спасти души наша.

Стих: Праведницы во веки живут, / и в Господе мзда их.

Поревновавши древних отцев житию, / в пустынях и
горах подвизавшихся, / Господа ради плоть свою духови
покорила еси, / матери преподобная, / искушения же многа
претерпевши, // многим искушаемым ныне помогаеши.

Стих: Надеющиеся Нань разумют истину, / и вернии
в любви пребудут Ему.

Все желание свое ко Спасу Христу вперила еси / бого-
мудрая Екатерино, / и пустынное житие миру предпочла
еси, / на вся видимая аки на прах взирала еси, / и ныне
предстоиши в радости, всех Владыце, / с лики безплотных
на небеси, // Егже со дерзновением моли спастися душам
нашим.

Слава, глас тойже:

Ныне празднлюбцы составляют собори, / Екатерино
досточудная, / почитающе веру твою и любви пламень
огненный, / и прославляюще подвиги и борения твоя, / яже
претерпела еси на земли, да Христа приобретаеши, //
Емуже молися о чтущих любовью память твою.

И ныне, праздника, или Богородичен, глас тойже:

**Богородице, Ты еси лоза истинная, / возрастившая
нам Плод Живота: / Тебе молимся, молися, Владычице, / со
святыми апостолы, // помилovati души наша.**

Тропарь, глас 4:

**Христа паче всех благ возлюбивши, / тесным путем
Тому последовала еси, / гордость житейскую и разум в
юродстве отвергнуши, / ум свой Господу отдала еси, / сего
ради стяжала еси сердце широкое, / любовью богатое, /
блаженная Екатерино Пюхтицкая, / моли Христа Бога, //
спастися душам нашим.**

Ин тропарь, глас 2:

**Вся красная мира сего презрела еси, / юродство
Христа ради на ся восприяла еси, / блаженная матери
Екатерино, / сего ради с мудрыми девами / в небесный
чертог Жениха Христа возшла еси, / молящися о всех нас.**

Слава, ныне, праздника, или Богородичен:

НА УТРЕНИ

На Бог Господь: тропарь праздника, дважды.

Слава, святые. И ныне, праздника.

Аще кроме праздника, тропарь святые, дважды.

Слава и ныне, Богородичен.

По 1-м стихословии седáлен, глас 3:

**Ны́не радуется душа́ твоя́, преподо́бная ма́ти Екате-
ри́но: от ю́ности бо Христу́ послéдующи, сосúд чéстен
яв́илася еси́ и до́брое течéние скончáвши , плóд сторичный
Бóгу принесла́ еси́, Егóже непрестáнно моли́, спаст́ся
душа́м нáшим.**

Сла́ва, и ны́не, прáздника, и́ли Богорóдичен:

**Недомы́сленно и непостиж́имо есть, Влады́чице Бого-
ра́дованная, е́же соде́ланное о Тебе́ стра́шное Бóжие
та́инство, я́ко Необы́меннаго зачéнши, родила́ еси́, плóтию
обложéна от Пречы́стых Кровэй Тво́их. Егóже,
Благодáтная, я́ко Сы́на Твоегó и Бóга, моли́ спаст́ся
душа́м нáшим.**

По 2-м стихословии седáлен, глас 5:

**Ума́ чистоту́ стяжáвши, Дúха Свята́го жили́ще была́
еси́, благодáть избы́льно прия́вши, вопрошáвших тя,
богомúдренно наставля́ла еси́. Престо́лу Бóжию ны́не
дерзнове́нно предсто́ящи, не престáй молéния приноси́ти о
чтúщих любóвию па́мять твою́.**

Сла́ва, и ны́не, прáздника, и́ли Богорóдичен:

Молітвы рабы Твоея Екатерины блаженныя прими, Богородице, и избави нас от всяких бед, яко родила еси Христа Спаса Избавителя душ наших.

Величание:

Величаем тя, / святая блаженная мати наша Екатерино, / и чтим святую память твою, / ты бо молиши за нас // Христа Бога нашего.

Псалом избранный: Терпя, потерпех Господа, и внят ми и услыша молитву мою.

По полиелѣи седален, глас 4:

Любовию притекающе к раце честных мощей твоих, Екатерино всеблаженная, благодать обильну приемлем: прикосновением бо болящия врачуеши, теплым представтельством твоим, спасаеши души наша.

Слава, и ныне, праздника, или Богородичен:

Обуревают мя волны греховныя и возмущение безместных помышлений, умилосердися, Всенепорочная, и руку ми помощи, яко Милостива, простри, да спасаемый, величаю Тя.

Таже степенна, 1-й антифон 4-го гласа.

Прокимен, глас 4: Праведницы во веки живут, / и в Господе мзда их.

Стих: Надéющиися Нань разумéют йстину, и вёрнии в любв́и пребу́дут Емú. **Всякое дыхáние:**

Евáнгелие от Матфе́я, зачало 43.

По 50-м псалмé стихира, глас 6:

Возсия́ днёсь пресвётлая пáмять тво́я, / Екатерíно блажénная, / озаря́я приходя́щая к тебе вёрныя. / Тёмже мо́лим тя / свéтом невечёрним и нас просвети́, // почита́ющия любóвию всечестnúю пáмять твою́.

Канóн пра́здника или́ Богороди́цы на 6 и святы́я на 8.

Канóн святы́я, глас 4.

Песнь 1

Ирмо́с: *Моря́ Чермну́ю пучину́, / невла́жными стопáми, / дрéвний пешешéствовав Изра́иль, / крестообразныма Моисéовыма рука́ма, // Амалíкову síлу в пусты́ни победíл естъ.*

Всемíлостиве Гóсподи, да́ждь мí мысль бла́гу да возмогу́ пéснь соста́вити и возвели́чити угóдницу Твою́ блажénную ма́терь нашу́ Екатерíну богомúдрую.

Из благочестíваго кóрене произрасла́ еси́ и яко сосúд избрáнный Дúха Свята́го, плод сторíчный Бóгу принесла́ еси́, Екатерíно богоблажénная.

Сла́ва: **Моли́твами тво́ими, всехвáльная ма́ти, умири́ наша́ сердца́ и сподóби благочéстно воспéти мно́гая пóдвиги, борéния и чудеса́ тво́я.**

И ныне: Красную и Избранную и Всечестную разумев
Тя Сын Божий, Пренепорочная, Сын Твой бысть: сыны
сотвори благодатию Богородице, чтущия Тя.

Песнь 3

Ирмос: *Веселится о Тебе / Церковь Твоя, Христе, зовущи: /
Ты моя крепость, Господи, // и прибежище, и утверждение.*

Измлада лет твоих, сердце милостивое имущи, людям
и всякому творению Божию сострадала еси, темже и дар
утешения в житии стяжала еси матери преподобная.

Богу прилепятся, в храмы и обители иноческия
поспешати издетска вожделела еси, тако и ныне нас в
пристанище спасительное молитвами твоими управи.

Слава: В годину мятежа и нестроений, яко сестра
милосердия, ратником раны врачевала еси, тем и нас
служити сущим в бедах наставляеши, Екатерино
прехвальная.

И ныне: Избавляющего человеки преслушания лютаго
падения, Всему Виновнаго Чистая и Всенепорочная,
родила еси.

Кондак праздника, и йкос

Седален, глас 4:

Божественным желанием к горнему воспаряя, Христу
тесным путем последовала еси: болезни, труды, молитвы
непрестанные, и воздержание зельное возлюбивши, аки

безплотна на земли пожилá еси́ ма́ти блаже́нная Екатери́но, моли́ Христа́ Бо́га да спасе́т ду́ши на́ша.

Сла́ва, и ны́не, пра́здника, или́ Богоро́дичен:

Херув́имов и Сераф́имов превы́шши еси, Богоро́дице.
небесе́ же и земли́ пространнейши, ви́димыя тва́ри и
невидимыя яви́лася еси́ преим́щи несосúдным сосужде́-
нием: Егóже бо пространства́ небеса́ не вмещáют, в Твоёй
утрóбе вмест́ила еси, Ч́истая: Егóже моли́ спаст́ся рабóм
Тво́им.

Песнь 4

Ирмо́с: *Вознесе́на Ты ви́девши Це́рковь на Кресте́, / Со́лнце
Пра́ведное, / ста в ч́ине своём, / досто́йно взыва́ющи: // сла́ва си́ле
Твоёй, Го́споди.*

**М́ира вознелеви́девши, Христа́ же возлюб́ивши, в скит
Гефсимáнский всели́лася еси́, твёрдое послуша́ние к
богомúдрой ста́рице Еле́не яви́вши, мно́гих дарова́ний от
Бо́га сподо́билася еси́.**

**Не дала́ еси́ сна́ дово́льна очесём тво́им, не возлегла́
еси́ на о́др во еже вдо́сталь почи́ти, ревну́ючи подвиго́м
Иоáнна, святíteля Шанха́йского, тебе́ единовременна.**

Сла́ва: **Богáтство м́ира тлénного отр́инувши, я́ко
стра́нница на земли́ пребывáла еси́, не имúщи кéлии, гдé
главу́ подклон́ити, Христу́ Спа́су подóбящися.**

И ны́не: Седя́й на престо́ле превознесённе херув́имстем, яко Престо́л Тя имёя Маріе Богоневёсто, на рука́х Твои́х почи́, Препросла́вленный Бо́г наш.

Песнь 5

Ирмо́с: *Ты Го́споди мой, Свёт, / в ми́р пришёл еси́, Свёт Святый, / обраща́яй из мра́чна неведёния // véрою воспевáющая Тя.*

Сило́ю Божёственною ду́шу просвети́вши, ум сво́й Го́споду отдала́ еси́ сегó ра́ди сёрдце ши́рокое, ми́люющее стяжа́ла еси́, Екатери́но богому́драя.

В чащёбу лесну́ю мно́гажды удаля́ющися уединёния и моли́твы ра́ди, благода́ть преизоби́льну стяжа́ла еси́. Сегó ра́ди по́мощь божёственную лю́дям и Це́ркви в годи́ну лихолётий испроси́ла еси́.

Сла́ва: Испове́дуем дивное заступле́ние твоё, всехва́льная ма́ти, егда́ оби́тель сию́ в бедё и бра́ни от безбо́жных сущей, моли́твою непреста́нною и зельным пощё́нием от закры́тия сохрани́ла еси́.

И ны́не: Рече́ние преста́ тлённое, Де́ва бо нетлённо роди́ Бо́га Сло́ва, па́че естества́ и сло́ва Де́ва пребыва́ет.

Песнь 6

Ирмо́с: *Пожру́ Ти со гла́сом хвалёния Го́споди, / Це́рковь вопиёт Ти, / от бесо́вския кро́ве очи́щиися, / ра́ди ми́лости от ре́бр Твои́х // истёкшею Кро́вию.*

Поспешать ко страждущим на помощь во всем житии твоём навыкла еси, матери Екатерино, поспеши и ныне в помощь нам, омраченным лютыми страстьми.

С высоты спадшу отроку и едва живу сущу, явилася еси здравия ходатаице, всеблаженная, скорбь на радость приложивши, призывающей тя в помощь матери отрочаги.

Слава: Ум твой весь к Богу вперед простирая, в словесах евангельских день и ночь поучалася еси, сего ради твоими мольбами, от душевных и телесных скверн очищаеши с верою к тебе притекающия.

И ныне: Усты и помыслы и сердцем, Пресвятая Богородице, Тя проповедуем: Тобою Богу примиримся, отиновеннии преступлением первее праотца.

Кондак, глас 3:

Днесь светло ликует обитель Пюхтицкая, / яко явися в ней подвижница благочестия, / и множество притекающих обретают утешение, / на твое предстательство надеющиеся, / Екатерино блаженная, // ты бо еси обители наша похвало и утверждение.

Икос:

Кто возможет повести равноангельное житие твое, подвиги, труды и преславная чудеса? Аще убо мнози

премудрии не дерзуют возглаболати многаго твоего терпения, смирения и теплыя ко Христу любви, обаче на твое милосердие надеющиеся, матери блаженная, вопием ти: Радуйся, звездо пресветлая, в земли Эстонстей возсиявшая; / радуйся, жизнь равноангельную на земли прожившая. / Радуйся, под видом юродства благодать в тебе почивающую сокрывшая; / радуйся, яко твоим смирением вражии козни присно побеждаеши. / Радуйся, яко дар от Бога зрети будущая яко настоящая приявшая; / радуйся, яко двема иерархом Российским высокое Патриаршее служение предсказавшая. / Радуйся, яко сподобилася еси от Бога дара чудотворений; / радуйся всем сущим в бедах и напастех скорое утешение. // Радуйся, святая блаженная матери Екатерино, обители нашей похвало и утверждение.

Песнь 7

Ирмос: *В пещи Авраамстии отроцы персидстей, / любовьию благочестия паче, / нежли пламенем опаляеми, взываху: // благословен еси в храме славы Твоея, Господи.*

Небесное жителство стяжавши, блаженная матери, дерзновенно рекла еси, яко и пришла в монастырь во еже стати преподобной, Богу непрестанно взываючи: благословен еси, Царю славы небесныя, Господи.

Молитвы, слезы и воздыхания, яко жертву чисту совершенну Христу принесла еси, темже ныне, матери

блаже́нная Екатери́но, Тому́ взыва́еши: благослове́н еси́,
Сло́ве Бо́жий, долготерпелі́ве Го́споди.

Сла́ва: Оби́тель Пю́хтицкая и вся́ земля́ Эсто́нская
днесь ра́достно лику́ют, благода́ть от моще́й твои́х
приёмлюще и дивному во Свя́тых Свои́х Бо́гу взыва́юще:
благослове́н еси́ прославля́яй святы́я, Го́споди.

И ны́не: Вы́шняго освяще́нное Божество́нное
селение́, ра́дуйся: Тобо́ю бо даде́ся ра́дость, Богоро́дице
зову́щим: благослове́на Ты в жена́х еси́ Всенепоро́чная
Влады́чице.

Песнь 8

Ирмо́с: Ру́це распротёр Даниї́л, / льво́в зия́ния в ро́ве
затче́, / о́гненную же́ сі́лу угаси́ша, / добродете́лю препоя́сав-
шеся, / благоче́стия рачи́телие о́троцы, взыва́юще: // благо-
словите́ вся́ дела́ Господня́ Го́спода.

**Бо́га просла́вила еси́, блаже́нная Екатери́но, жити́ем
твои́м, и яко́ чи́стая се́рдцем всегда́ зри́ши Бо́га: с ли́ки
Неве́ст Христо́вых взыва́ющи: благословите́ вся́ дела́ Гос-
подня́ Го́спода.**

**Широ́кий пу́ть презре́ла еси́ суро́вым жити́ем благо-
да́ть Божество́нную стяжа́ла еси́, ма́ти преподо́бная, и
отго́ниши недуги́ вопи́ющим: благословите́ вся́ дела́ Гос-
подня́ Го́спода.**

Благословім Отца́ и Сы́на и Свята́го Ду́ха Го́спода:
Сёрдце твое распострани́ся ко всём любвию моля́щим-
ся, почита́ющим по́двиги многотру́днаго жити́я твоего́, и
Христу́ зову́щим: благослови́те вся́ дела́ Господня́
Го́спода.

И ны́не: Избавля́й нас возсия́ из Тебе́ Госпо́дь, Де́во
Чи́стая, Егóже моли́ Влады́чице, просвети́ти пою́щия Тя́,
и обстоя́ния нас изба́вити вопи́ющих: благослови́те вся́
дела́ Господня́ Го́спода.

Песнь 9

Ирмо́с: *Ка́мень нерукосе́чный, / от несекóмыя горы́, Тебе́
Де́во, / краеуго́льный отсече́ся, Христóс, / совокупíвый
разстоя́щаяся естества́. / Тём веселя́щися, // Тя́ Богороди́це,
велича́ем.*

**Содéяв ду́шу твою́ храм Ду́ха Свята́го, богоблаже́нная
ма́ти, наслéднице Го́рняго Иерусали́ма яви́лася еси́, и да́р
от Бо́га зна́мения и чудеса́ содева́ти прия́ла еси́.**

**Честна́я ра́ка святы́х мощей твои́х, ма́ти преподо́бная,
бога́тно источа́ет исцелéния приходя́щим с véрою и любó-
вию тёмже в со́нме уго́дников Бо́жиих тя ублажа́ем.**

Сла́ва: Чистото́ю и смире́нием Бо́га в сёрдце стяжав-
ши, Екатери́но всехва́льная, тёмже и Пречи́стую Бого-
ма́терь лицезре́ти на святём исто́чнице, но́щию мно́гажды
сподо́билася еси́.

И ныне: Спаси мя рождающая всех Избавителя и Благодетеля, разори души моея облаки, Света облаче Святаа Владычице, и сильна содейлай на страсти борющия мя.

Светилен:

Яко заря утренняя возсия ныне, блаженная мати Екатерино, светозарная память твоя, Христу бо над всеми Богу нашему святым житием благоугодила еси: Егже ныне моли о нас, рабех твоих, во еже светом невечерним просветитися нам.

Слава, и ныне, праздника, или Богородичен:

Державным Твоим Покровом, Пречистая, / нас, рабов Твоих, / от наветов вражиих сохраняй всегда невредимых, // Тя бо Единому стяжанием надежду и утверждение.

На хвалитех: стихирь праздника 3 и святых 3.

Аще кроме праздника, стихирь святых на 4.

Стихирь святых, глас 2.

Подобен: Егда от Древа:

Возсия днесь память твоя, пресветлая и всепразднственная, / мати всеблаженная Екатерино, / обители Пюхтицкия украшение, / с тобою же лик радуется монашествующих / и ликует преподобных собор и праведных и юродивых сословие, / с ними бо достойно прияла еси // славу вечную от Христа Бога.

Богоблаженная и богомудрая Екатерино, / благодати сосуде избранный, / добродетелей честный дом, / от юнос-

ти Гóсподу послéдующи, / дóбре течéние скончáла есѣ. /
Тéмже и приýла есѣ венéц прáвды / от Христá Бóга нá-
шего, // Егóже непрестáнно моли́ спастѣся душáм нáшим.

Богомúдрая настáвница к Цáрствию Бóжию, / былá
есѣ мáти преподóбная, / не тóкмо бо íночествующия
сéстры твоя́, / но и вси к тебé приходя́щие с вéрою, / áки от
чѣста истóчника / почерпáху святóе учéние от тебé,
богомúдрая // рáзум бо духóвен стяжáла есѣ.

Слáва, глас 8:

О, преблажéнная мáти Екатерíно, / предстоя́щи нýне
Престóлу всех Царя́ / и веселя́щихся с лѣки небéсными в
вéчном Цáрствии, / рáцей же мощéй твои́х пред очѣма
нáшими пребывáеши, / не забúди и нас, чáд твои́х, / ты бо
навѣкла есѣ во всем жити́и твоём / стра́ждущим и
немощнѣм помогáти; / сегó рáди Гóсподом возлúблена
былá есѣ, / Егóже со дерзновéнием моли́ мир мѣрови
даровáти // и душáм нáшим вéлию мѣлость.

И нýне, прáздника, или́ Богорóдичен, глас тойже:

Владѣчице, приими́ моли́твы раб Твои́х /, и избáви
нас // от вся́кия нýжды и печáли.

Славослóвие вели́кое.

На 1-м часé тропáрь прáздника. Слáва, святѣя.

НА ЛИТУРГИИ

Служба праздника и святых.

Прокимен святых, глас 4: Дивен Бог во святых своих, / Бог Израилев. **Стих:** В церквах благословите Бога, Господа от источник Израилевых.

Апостол к Галатам, зачало 208.

Аллилуиа, глас 6: Терпя потерпех Господа, и внят ми и услыша молитву мою. **Стих:** Многи скорби праведным, и от всех избавит я Господь.

Евангелие от Матфея, зачало 104.

Причастен: В память вечную будет праведник:

МОЛИТВА

ко святей блаженной Екатерине Пюхтицстей

О, святая блаженная матери Екатерино! Душею на Небеси Престолу Божию ныне предстоиши, данною ти свыше благодатию, вся наша нужды и прошения зриши и многая чудеса источаеши! Умоли Всещедраго Бога нашего, прощение нам во гресех даровати, болящия исцели, печальныя утеша и вездe тепле призывающия тя и к раце честных и многоцелбных мощей твоих усердно припадающих и молящих ти ся, от всяких напастей и бед молитвами твоими избави. Ты, блаженная матери, любовью Христовою преисполненная, во всем житии твоём ближним,

себѣ забыва́ющи, послужи́ла еси́ и мно́гия ко Христу́ моли́твами твои́ми обрати́ла еси́. Преста́вленная от сегó вре́меннаго жити́я во ино́е, вѣчное, радуешься ны́не, уго́днице Бо́жия, в ли́це святы́х сла́вимая. Вѣмы, я́ко вѣлие дерзнове́ние имаши ко Влады́це Христу́ и, ели́ко а́ще испро́сиши от Него́, да́тся нам, я́ко ты не мертв́а еси́, но жив́а в Бо́зе. Вонми́ гласу моле́бному, тебѣ пред ра́цей свяще́нных моще́й твои́х, ны́не смире́нно возно́симо, укрепи́ нас малоду́шных в ве́ре, да поне́ отны́не, во обновле́нии ду́ха и в любви́ Бо́жией пребыва́ющи, Господеви и бли́жним служа́ще, по отше́ствии из жити́я сегó, дости́гнем Ца́рствия Небе́снаго со все́ми угоди́вшими Бо́гу. **Ами́нь.**

Велича́ние:

Велича́ем тя, / святáя блаже́нная ма́ти на́ша Екате́рино, /
и чтим святую́ па́мь твою́, / ты́ бо мо́лиши за нас //
Христá Бо́га на́шего.